

屈指韶華又一年。山河莽莽暗霾烟。肥滋草色如膏地。醉釀花顏中酒天。檐燕祇聞音上下。階蜩不見影蹁躚。光明世界知何日。願掃浮雲猛著鞭。

庭前白牡丹盛開作此紀之

(香山盧善珍)女士

自古名花愛素妝。天然富貴豈尋常。臨風玉樹嬌無力。映日瓊葩淡亦芳。不御鉛華殊魏紫。休將穠豔說姚黃。晶簾垂處渾難辨。人倚闌干春晝長。

浴佛日

(番禺蘇淑貞)女士

諸天本自絕塵埃。浴佛年年竟一回。笑煞法身原潔淨。偏教勞碌到如來。

贈人詩五首

(張破浪)

贈徐益吾

百尺樓頭酒氣豪。定公今已誤青袍。中原用武無多地。寒夜臨風試寶刀。

贈汪孟翁

煙花三月縮揚州。好夢如雲儘自由。敢問詩人無恙否。蠻牋三百貢春愁。

贈趙公越

天涯孤住易黃昏。虎豹沉沉簸國魂。眼見痴人英淚盡。狎狂披髮入崑崙。

贈表弟曼曼

維持我道江之左。搖落湖山兩鬢霜。是自詩人張子野。鶯花辜負十年狂。

有贈王君爰

一代風花如許愁。遙知杜牧在揚州。美人別有玲瓏意。偷笑英雄說斷頭。

祝葉譽甫次長封翁仲鸞先生六十

晉一榮壽

(鄭陶齋)

不重功名不重錢。如公信是地行仙。詞華素性輕班馬。先生少工詞賦。然常謂士君子職在正俗濟物。數十年來風尚獷華而不毗實。不宜再加倡導。章奏多才邁許燕。張勤果公撫東先生。在幕中所有章砭衆。何辭勤口授。奏關於國計民生者。先生多贊助之。

先生教人循循先重道德而後文藝。惠民常自解腰纏。先生履主權賦不安索一錢比較不足輒以財附益之。他年青史留芳遠。循吏儒林兩可傳。

京邸筵開甲己周。鶴齡晉一又添籌。新詩客共磨眉壽。佳爵人應奏手仇。日麗鳳毛誇子舍。風清雀角肅庚郵。先生哲嗣譽甫君時為交通部次長都中烟柳春逾好。料得稱觴徧十洲。

前題

(何閩樵)

文章經濟兩堪傳。知是蓬萊謫降仙。道惡狠當曾直斥。澤憐鴻集每豪捐。見機疏廣襟情曠。興學文翁教澤綿。却羨老泉貽德厚。故教軾轍冠時賢。

祥凝瓊島駐長春。海屋籌添正及辰。鐸振燕山能課子。筵開楚館在北京湖南會館張壽筵廣延賓。介眉共祝年周甲。拜手同歌嶽降申。連日壽星環北極。稱觥愧我未躬親。

乙如浴佛節後一日偕徐緘若君遊

西湖登鄂王墳感而賦此

(番禺徐耀屏)

精忠貫日氣凌雲。史册長留姓氏芬。婦孺猶兔三字獄。游湖爭上鄂王墳。

誓平金國氣何雄。旗幟飛揚揭勇忠。若不舊河通老鶴。直教痛飲抵黃龍。

我來瞻拜共登臨。勳業巍巍說至今。鐵鑄奸臣排笋列。分明忠佞快人心。

瀾翻三島感扶桑。聊借遊湖寄我狂。安得背嵬軍一隊。犁庭快共掃攬槍。

和吳梅村七律九首

(苑園)

繭虎

家家兒女笑相隨。製得於菟別樣奇。剖繭縷雕形畢。肖從風顧盼力能支。依然綵繫文同豹也似花披豔。鬪獅蠶蛻翻成君子象。曾無搖尾乞憐時。

茄牛

牧童無事在寒畦。笑作茄牛製整齊。點點青餘雙角峙。重重翠壓一身低。好將鬪艷花獅映。不羨含香綵